

КОМСОМОЛОНЬ ВАЙГЯЛЬ

ЛИСЕНЬДИ III-це КИЗОСЬ

Мокшэрзянь ВЛКСМ-нь
обкомть и Саранскаень
горкомть газетасна

Адрессы: г. Саранск, ул. Ленина 9
телефон № 1—72.



Няфтеда героическая кеподькст паксянь работаса

Сядот од ломатьт и комсомолецт партиять и правительствать мархта казфть всякая награда прои- водстваса и колхознай паксяса ударнай работаманкса.

Кие минь Мокшэрзянь респу- бликасонок аф содасыне кода Зубунь районца, Жарав велеса Мария Пушкинать и Ромодановань районца трактористть Казанцевть. Нат ломатьтне ащикть образецок соци- алистической трудонь организован- дамаса. Синь сяс правительствать мархта казфть ордена.

Нят Пушкинатьне и Казанцевтьне касффт минь партияньконь мар- хта, минь вожденьконь, кельгома Сталинть мархта. Аньцек минь странасонок ули кода арамс тру- донь геройкс, сяс мес минь стра- насонок цебарьста оценивается че- стнай трудсь. Эрь ломаньти улихть сембе возможностьне арамс тру- донь геройкс. Эрви аньцек удар- ный, честнай и добросовестнай труд.

Минь ленинскань комсомолть сем- бе работа аф явшневи производ- ствань сембе работать эзда. Эрь комсомолецт инголя ащи задачась ся, штоба производстваса, колхозса улемс инь цебарь стахановецок. Стахановец лаца работамась про- изводстваса, колхозса арси самая почетнай, самай достойнай восток эрь комсомолецт и эрь од ломань- ти.

Комсомолонь X-це с'ездсь эрь комсомолецт инголи путсь комму- нистической воспитаниянь задача. Комсомольскань организациятьнехди эрви коммунистической духса вос- питандам аф аньцек комсомолец- нень, но и сембе од ломатьтнень. Но вль минь коданга аф шарькодь- сась коммунистической воспита- ниянь тевть башка социалистичес- кай производствать эзда. Социали- стической трудсь арси обязатель- ный тевкс коммунистической воспи- таниянь работати.

Тонафнемок марксистско-ленин- ской учениять, применяндамац ко- данга не совместим сязьфста социа- листической трудть эзда. Вль ле- нинскань комсомолть работац сембе од ломатьтнень коммунистической духса воспитандамост йотафневи сянгса, штоба воспитаниянь вельде минь касфтолема преданнай, куль- турнай, квалифицированной ломатьт минь социалистической родинань- коньди, конат улельхть ба достой- ный цьоракс и стирькс минь пар- тияньконьди и вожденьконьди Ста- лин ялгати.

Колхознай и ссвхознай паксянь- конь лангса сейчас моли сьоронь урядамась. Комсомолецне паксянь работаса должетт улемс инь цебарь стахановецекс. Комсомолецне дол- жетт тевса тюремс Сталин ялгать мархта путф задачатъ ташкодеманд ингса, маластонь 2—3 кизотнень пингста сясмс 7—8 миллиард пуд зьорна.

Тя задачатъ пашкодемац должен арамс миньдейнек инь главнай задачакс. Сяс комсомолецт зада- чац паксянь работаса улемс стаха- новецекс аф аньцек истиенза, а таргамс стахановецень рядтненьди сембе од ломатьтнень.

Улемс инголя моликсокс, тя са- май главнай и почетнай задачась эрь комсомолецт.

М. М. ЛИТВИНОВТИ ТОПОДЬСТЬ 60 КИЗОТ

СССР-нь СНК-ть и ВКП(б)-нь ЦК-ть приветствиясна М. М. Литвинов ялгати

Тейть 60 кизонь топодема шиста ССР-нь Союзонь На- роднай Комиссаронь Советсь и ВКП(б)-нь Центральной Ко- митетсь приветствуют тонь, большевистской партиять ста- рейшай деятеленц, советской дипломатиять руководителенц, войнать каршес и сембе трудяйхнень интереса миронь тевть инкса аф сизефневи борецть.

Арьсемок тейть шумбра ши и работасот инголь пъяль- денъ успехт, Совнаркомсь и ВКП(б)-нь ЦК-сь азондыхть ке- ме уверенность сянди, што советской дипломатиясь честь мархта пашкодьсыне эсь задачанзон минь великай роди- наньконь и сембе миронь трудяйхнень благаснон инкса миронь тевть ванфнемасонза.

СССР-нь СНК-ть председателец В. МОЛОТОВ.
ВКП(б)-нь ЦК-ть секретарец И. СТАЛИН.

ССР-нь Союзонь Иностраннай Тевонь вяти Народнай Комиссарть М. М. Литвинов ялгать Ленинонь ордена каземанц колга

ССР-нь Союзонь Центральной Исполнительной Комитетть путфксонц

ССР-нь Союзонь Центральной Исполнительной Комитетсь путнесы Теенза 60 кизонь топодема юби- леенц ознаменовандаманкса, совет- ской дипломатиянь руководителенц постса мирть инкса тюремаса ошю- донга-ошю заслуганзон инкса, ка- земс ССР-нь Союзонь Иностраннай Тевонь вяти Народнай Комиссарть Максим Максимович Литвинов ялгать Ленинонь ордена.

ССР-нь Союзонь Центральной Исполнительной Комитетть пред- седателец

М. КАЛИНИН

ССР-нь Союзонь Центральной Исполнительной Комитетть Секре- таренц тевонзон пашкочнисна И. УНШЛИХТ

Моску, Кремля
Июль 16-це шиста 1936 к.

МИРОНЬ ВАНФТОМАСА



Юбиляр, конаньди финшне максихть честь, омбонцне пелихть эз- донза.
(Рис. В. В. Михалов художникъ)

11 ЯЛГА МОЛИХТЬ

Июль 18-це шистонза шовда- ва 4 частста ЦИК-нь зданиять вакс- са ульсь максф старт 11 физкуль- турниконьди. Маршрутсь Саранск—Зубу. Зубунь педтехнику- н и м о н ь 11 физкультур- турникне Саранскайса физкультур- ный лагерьхнень аделамдот меле- решили пачкодемс эсь районозост ялга. Тя переходть синь посвяща- ют Мокшэрзянь ВКП(б) нь обкомть

8-це Пленумонц итогонзонды и во- днай спортонь васеньне республи- канской спартакиадати. Участникне должетт пачкодемс Зубуву июль 20-це шистонза 7 частста илять, какраз физкультурнай вечерти, ко- нац ули тийф спартакиапатъ ито- гонзон колга. Переходонь участник- нень йоткса 85 процентт мокшет и эрзят.

С. Купер.

2750 цалковаень питне займас

Зубучь сязьнен райотделть эса лувозь од займань колга путфксть и сембе рабочайхне и служащайхне ошю мяль мархта сьормадфить од займати. Эрь рабочайсь и служа-

щайсь сьормадфць ковань зарпла- тан ланкс. Сембец рабочайхне и служащайхне сязьнен райотделса сьормадфць 2750 цалковайс.

П Конаков.



ССР-нь Союзонь Иностраннай Тевонь вяти Народнай Комиссарсь М. М. Литвинов ялгась.
(Рис. Сапожников художникъ)

Литвинов Максим Макси- мович шачсь 1876-це кизоста. Аделась реальной училища. Революционной работанц уше- дозе 1898 кизоня. 1900-це ки- зоня, мзярда сон ульсь РСДРП-нь Киевскань комите- тонь членкс, сонь арестован- дазь. Тяся тюремаса сон ащесь пяле киза и ворьгодсь омба мастору, коса работась „Искрать“ редакцияса. Пар- тияв сувась 1898-це кизоня. 1903-це кизоста сон салава сась меки Россияв. Ульсь ЦК-нь агентокс и партиянь Рижскань комитетса членкс. 1905-це кизоня организован- дазе социал-демократической васень легальной газетать „Новая жизнь“.

1907 кизоня сон якась РСДРП(б)-нь делегатокс меж- дународнай социалистической конгрессу Штутгарту. 1907-це кизотъ пестонза танга теенза савсь тумс омба мастору и тосонга сон активнайста ра- ботась партийнай работаса.

1918-це кизоня Литвинов ялгась ульсь Советской Рос- сиянь васеньце полпредокс Англияса. Тоса сонь аресто- вандакшнезь, сяда меле нол- дазь. 1918-це кизоста сявомок Литвинов ялгась—коллегиянь член и Наркоминделть заместителец. 1930-це кизоста ся- вомок сонь назначили иност- раннай тевонь вяти Народнай Комиссаркс. Партиянь 17-це с'ездса кочкаф ВКП(б)-нь ЦК-нь членкс. Мирть инкса тюремаса и лия масторхнень мархта СССР-ть хозяйствен- ный сязьненц кемекстама тев- са Литвинов ялгась няфць пролетарской государствань дипломатиянь пяк цебарь об- разецт.



Сталинонь лемса колхозь бригадироц (Георгиевской район), орденоносець Е. И. Шкуринць эсь бригадасонза организовандась шахмотистонь кружок.

СНИМКАСА: паксянь станца налхнихть шахмотса. Види шерье Е. И. Шкуринць, каршосонза ащи колхозонь парторгсь А. Е. Кротенкс, кунчкаса (васеньцесь)—васеньце бригадаты бригадироц Коньков. Фотось Рыбинтть (Союзфото)

ПРАКТИЧЕСКАЯ МЕРОПРИЯТИЯТНЕ АФ ПЯШКОЧНЕВИХТЬ

Эсь корреспондентоньконь эзда ВЛКСМ нь Х це с'ездса Косарев ялгась отчетнай докладсонза корхтась: „Ленинской комсомольт рядон зон эса минь должетта анокламс смелай, отважной, самоотверженной и выносливай ломатть, конатненьди аш сядя почетнай задача, кода социалистической родинать арелямац сембеда пелькс и ингелдены позидиятнень эса“.

Кода ковылкинской комсомольской организациясь физической культурань райсоветть и ОСО-нь райсоветть мархта пашкодкшнесазь нят задачатнень? Сембец тя пингс райононь комсомолечень и афсоюзнай од ломаттнень йоткса аноклафт: 87 ГТО нь значкистт, синь эздост 35 ломанць аноклафт 1936 кизоня. Тяни 188 ломань максты ГТО нь талонь и 311 ломань кизонь норматнень.

Сембец района лувондовихть ГСО-нь 121 значкистт. Тядя башка 66 ломань ВГТО-нь значкистт и 180 ломань максты талонь норматнень и 328 ломань аноклайхть праснон кизонь норматнень максома.

Кода няеви тя тевса цифратне аф пиндолдыхть. Но аф тядя учкози тусьть Ковылкина организациатне лия тевсонга.

Районца сембец 52 Ворошиловской стрелокт и 12 ЮВС-нь значкистт. Аноклафт 15 ПВХО-нь значкистт и 100 аноклайхть праснон максома. Топографиянь тевса максты нормат 136 ломань. Винтовка са ляцендема тевти тонафтф 267 ломань и 185 ломань нингя тонафнихть винтовать эса. 20 ломань тоорияса йотазь тракторть, а практической работасна нят ломаттнень нинге ашель. Аноклафт 15 парашютистт, синь эздост нингя анычек Косточек ялгась, МТС-са ВЛКСМ нь комитетть секретарец—парашютист значкист.

Аф кальдьят результатонза Ковылкина футбольнай командат. Тя кизоть йотафтф 4 встречат: Наровчатонь, Торбеевань, Слобдань и Ойядунь командатнень мархта. Нилексне соревнованиятнень эса сясыкись ульсь Ковылкинась.

Тяста няеви, што Ковылкина футболистне — футбольнай мастерх, а тя мастер шись теест сатовсь анычек систематической тре-

нировкань вельде и Лебедев ялгать ФК нь райсоветть секретарени упорнай работань вельде.

Но нят тийф тейне арсихть нинге анычек ушедксос Х-це с'ездонь практической мероприятиятнень пашкодемаснонди и синь ваксост нинге лама оцю афсатыкст.

Васеньце афсатыксы ся, што сембе вярды няфтьф цифратнень, конат азондыхть военно-технической экзаментть колга, оцю паякссна сашендови райцентрань аф полной средней школатнень лангс, Кепедьксонды: 87 ГТО нь значкистнень эзда анычек 12 ломанць колхозникт. 52 Ворошиловской стрелокнень эзда 42 допризывникт, а кемець райцентрастонь,

Кода няеви физкультурань и спотонь сембе работась йотафневи анычек районнай центрань комсомолечень и од ламатотнень йоткса. Комсомолонь райкомсь и райСФК физкультурань и спотонь

тевса марнек юкстазь колхознай комсомолечень и од ломаттнень.

Омбоце афсатыксы тоса, што физкультурань и спотонь сембе ня мероприятиятнень мархта Ковылкина фатяфт анычек аф лама ломань. Физкультурасть и спортсь аф канни, нингя массовой характер.

Практической мероприятиятнень эзда нинге алак пашкодт оцю тефт: алак строяк парашютнай вышка, сятеви выделеннай анычек 600 цалковай ярмак, алак панчт фьявок Ворошиловской стрелоконь клуб.

Аш кода аф корхтамс комсомолонь райкомть практической мероприятиязон пашкодемаснон колга.

Нят оцю и эрявикс тейнень тие маснон колга Ковылкина райкомсь мзярс пцтай мезевон аф кашторды.

А. Чекашкин.

КОНСТИТУЦИЯТЪ ПРОЕКТОНЦ КОЛГА

МОРАФТЫХНЕНЬ КИЗЕФКССНОНДЫ ОТВЕТТ СОЦИАЛИЗМАНЬ КАФТА ПРИНЦИПНЕ

Тарасенко Г. ялгась (Кронштадт) сьормады: „Од Конституциянь проектть сембе статьяза тейне шарьхкодеви, анычек 12 це статьясь аф шарьхкодеви. Эняльлян азондомс тейне 12-це статьять смыланц: „СССР са трудсь ащи обязанностекс эрь трудоспособнай гражданинтти тя принципть коряс: „Кие аф работай, ся аф ярхцай.“

СССР са эряфс йотафневи (осуществляется) социализмань принципсь: „Кажнайть эзда сонь способностензон коряс, кажнайти—сонь трудонц коряс.“

Конституциянь проектть тя статьясонза государственнай законнь вастс (в качестве) аф социализмат кафта инь важнейшай принципона: „Кие аф работай, ся аф ярхцай“, „Кажнайть эзда сонь способностензон коряс“, кажнайти сонь трудонц коряс.“ Мезе жа означают нят принципне?

Лоткатама васенда фкять лангс. Социализмась отличандакшневи обществать сембе предшествую-

шай форманзон эзда васендакигесань мархта, што тя—общества, конанц эса машффт сембе классне и ломантть ломань мархта эксплуатировандамац. Классовой обществаса (рабовладельческой, феодальной, капиталистической) господствующай классь прокс эряй эксплуатациять, чужой трудонь сямомать счетса. Стака и изнурительнай трудсь тоса азонкшневи (ладсеви) угнетеннайхненди, „равжа пакаренъ“ ломаттненьди—рабтненьди, крестьянтненьди, пролетариятненьди уделокс. Господствующай жа классне эряихть праздностьса и тевфема. Тяфта улендсь лама веконь пингс...

Нинге несколько столетияда инголе гениальной англичанинь Томас Мор эсь книгасонза „Утопия“ (1516 к) критиковандазе стама строить, кода финине работайхть, а омбонце пользовандайхть эряфть сембе благанзон мархта. Сон няфнесь вельф лама тунейдеит сонь пингстонь обществаста священникт и монахт, бо-

СОВЕТОНЬ СОЮЗГА

Тонафнема од кизоти учебникт

Тонафнема од кизоти Учпедгизсь ноляй лама учебникт ликбезонь курсненьди, начальнай и средней школатненьди. Киза кувалмонь плантть коряс начальнай и средней школатненьди ули нолдаф 57.700 тьожать тучебникт. Августть 1-це шинцты тя лувксты эзда арьсеф нолдамс 80 процентть.

Начальнай школась получаи учебниконь 20 названия, конатнень эзда сембец 28,5—29 миллиотт экземплярхт. Средней школати сембец ули нолдаф 70 названия, конатнень эса сембец 27,5 миллиотт экземплярхт.

Борин комбайнерть рекордной выработка

Ростов - Дон. Штейнгардской МТС-нь комбайнерсь, орденоносецкомсомолец Борин Константинць „Сталинец“ комбайна лангса палеков работамстонза лядсь 416 гектархт. Боринтть заработкац тя пингты инкса ульсь 1.983 цалковайхть.

Июльть 12-це шистонза Боринць тийсь комбайна рекордной выработка. Сон фкя шиста лядсь 61 гектархт.

Тракторть лангста комбайна лангс

Старобешеве. Ангелина Пашать бригадиста славнай трактористкатне йотнихть тракторть лангста комбайнатнень лангс. Васеньцеда районца пуропфт стирнянь кафта уборочнай агрегатт. Синь эзост начальникокс кочкафт Ангелина Пашать бригадиста комсомолка-стирняне—Паниотова Любася и Федорова Любася. Комбайнатне ушедсть сьоронь урядама. Работайхть синь перебойфема. Сьоронь бункерхнен эзда шамневи работамань шовор.

гачт, сембеда пях поместьянь кирьдихть, конатнень обычна азонкшнесазь благороднайкс и знатекс“, сембе тя „тевфема ащемада и праздностиа ломанень изнывающей массат, конанц эзда кажнайсь йотафни лиянь труса тийф продуктатнень эзда сняра продукт, мзяра эряви синь эздост нят продуктань кафта аноклайхненди. Обществась, кода трудендяхть сембе кода аш тунейдеит и чужой трудса эряй ломатть, ащесь чело-вечествань инь йоню ломаттнень эзда (из лучший умов) ламоснонды идеалокс. Но анычек марксизмась-ленинизмась мог няфтемс кит и средстват, конат вятихть, тя идеаль осуществлениацты.

Минь странасонк строяф общества, кода аш эксплуататорхт и эксплуатируемайхть, а трудсь ащи обязанностекс сембе трудоспособнай граждатненьди. Минь странасонк машффт стама ломанень слойсь, „конатненьди профессиякс ащи праздностьса“, и йотафтф эряфс принципсь, кие аф работай, ся не должен ярхцамс“. Социализмать тя принципоч арась советской государствань законокс.

Могли ли минь раньше азомс тянь тяфта решительнайста, могли ли минь сувафтомс тя принципть

РАДИОСЬ И ПАТЕФОНЦЬ ПЯКСТАФТ ШКАФТИ

Шайгав. Кулдым велесь ою. То са улихть партийнай и комсомольской организацият, ули велеса культурнай вий, но культурно массовой работа кода од ломатьтнень, станя и колхозникнень йотксонга аф йотафневи.

1933-це кизоня рамафоль радио, конань вайгяленц велярайхне тя пингс ашезь куленде, сяс мес сон синьнефи неисправимайста ащекшни морафтома кудть шкафса.

Ули патефонга, конац тяфта жа пяхстаф колхозонь правлениать шкафса.

Нинге сяда кальдяв ся, што Кулдымса вов ни омбоце кизось аш избач, аф ваномок сян лангс, што тоса ули цебарь клуб и морафтома куд.

Комсомолонь райкомти и рай-ОНО ти эряви лувомс тя положениать и сяда курок кучемс Кулдыму избач. А вельсоветти и колхозонь правлениать эривихть петьфтемс радиоть и патефонть и таргамс синь шкафнень потмоста.

К. Шайговский!

Пудровть тевфтема шидонза

Зубу. Оцяду велень первичнай комсомольской организациясь эсь работанц таниень пинкс кадонцы эсь отям молема. Кизонь перьф ашеть пуронне фкявок комсомольской пуромкс, исть йотафне фкявок политзанятие и ашеть организовандакшне фкявок кружок. Культ массовой работа тяфта жа аш. Комсомолецне мезевок аф лувондыхть, аф газетат, аф журналхт, аф книгат.

— Тани комсомолецненьди аш пинге работамс организациясь, синь работайхть колхозса, — корхтай комсоргс Пудров ялгась. Пудров таниень пингть юкстазень эсь комсомолецненьди.

Тянь эзда няеви, што Оцядунь первичнай комсомольской организациясь ашезень шарькоде комсомолонь Х-це с'ездть решениянзон, а кда шарькодезень, то аф йорай синь йотафтомс эряфс.

Комсомолецне тачинь шис Конституциять проектонца аф сода-сазь.

Жой.

СССР-ть ингольдень конституция зонза, конац примаф 1924 кизоня? Аф, не могли Эста минь странасонок ульсь нинге эксплуататорской элементонь ламода ою слой: частнай капиталистт („нэпматт“) ошса, кулакт велеса, конат эрьсест чужой трудса. Аньцек сяда меле, кода ульсь окончательно машффт эксплуататорской элементне, тарсефт корятыне, конатнень эзда синь лисендельхть, и полнайста машффт ломанть ломань мархта эксплуатировандама, а р а с ь возможнайкс сувафтомс социализмань тя принципс советской государствать основной законозонза.

Социализмать омбоце важнейшай принципт — тя трудонь коряс пандомань (оплатань) принцип. Социализмань пингста нинге лядкшни разничаь квалифицированной и аф квалифицированной работникть йоткса. Кажнай гражданинц, конац способнай трудити, обязан трудендамс, но аф кажнайсь способнай пяхькодькшнемс фкя сакя жа работать: улихть профессият, конат вешихть ою знаният, ламос тонафнема (кепотьксонди профессорхне, инженерхне) и профессият, конат аф вешихть особай аноклама (кепотьксонди, грузчикть профессияц). Сяс социализмать пингста кажнайсь трудндай эсь способностензон коряс. Советской государствась,

Газетат аф сашендыхть

Рузаевкань р.н. Сире Усадонь комсоргс Иляев Н. сьормадфнесь Э.ковоньди „Комсомольская правда“ газетас. Но колма ковонь вастс (май, июнь, июль) сон получась аньцек кафта номерхт и сяда лама аф сашендыхть. Иляевсь кизефнезе кустовой почтовой агентть Бурмистровть, конаниты ульсь максф квитанциянь корешокс, но Бурмистровть нюрхкхня ответоц: „кда аф получахшнят газета, мон аф виноватан. Кда эряви сьормадфат тага“. Тяфтама бюрократической ответса отвечахшни Бурмистровсь аф аньцек Иляевти, но и ламоц колхозникненьди, конатнень тяфта жа юмсихть ярмакса следфгома — сьормадфнихть газетас, а газетат аф пачькодькшнихть теест.

А Рузаевкань связень райотделти хоть кафксть сяда лама безобразият улест, сембе сакя кодамовок мяль афшарфни.

Н. Алемеев.

максомок права трудонди, максси эрь гражданинтти работа сонь специалностенц коряс, сонь способностензон коряс. Сон панчси эрь гражданинтти свободнай ки эсь способностензон совершенствовандамс, эсь образованиянц касфтомс.

Социализмань пингста трудть оплатац йотафневи аф равнайста сембе работникненьди (кода тянь мярьгоньдсть мелкобуржуазнай уравниловкань сторонникхне), а кажнайть мархта затрачендаф трудть количестванц и качестванц коряс. Минь фабрикасонок и заводсонок рабочайхне получихть заработной плат, конанц размероц эрь работникти зависендай сонь квалификациянц и сонь мархтонза планть пяхькодеманд эзда. Колхозга колхозникне получихть колхозть доходонзон эзда пяхькс, конанц размеронза кажнайти, зависят сонь мархтонза тийф трудошитнень лувксон эзда. Тяфта пяхькодькшневти (йотафневи) принципс: „Кажнайсь способностензон коряс, кожнайти трудонц коряс“.

Совершенно шарькодеви, што социализмань и тя принципска мог улемс сьормадф СССР-ть Конституциясонза аньцек эста, мзярда социализмась сясськс и общественнай, социалистической собственностсь арась экономической основакс СССР-ти.



Вузгнень эса тонафнема кизось аделавсь. Студенттне кундасть практической занятиятненьди. Снимкаса: Новочеркасской зерновой институтонь студенттне паксяса вредителень тонадомаса практической занятиясот.

Фотось Шестяковть (Союзфото).

Партийнай руководстваса администраторхнень колга

ВЛКСМ-нь райкомонь секретарьсь А. ФЕНИН

Комсомолонь Х-це с'ездть мархта комсомолть инголя путф инь главной задачка коммунистической духса воспитандамс сембе ол ломатьтнень.

Тя ою и почетнай задачкась ули кода пяхькодемс сяс минь ленинскый комсомолсь работой коммунистической партиять руководстванц ала.

Парста ули ладаф комсомолонь работаса снярда, мзярда комсомолонь работати эрь шиня лезпыхть партийнай организациятне. Мянтьярс тянь ашезь шарькоде нингя лама партийнай организация Шайговань районца. Васендакигя тя няеви тоста, што лама партийнай организация нингя ашезь кочкся Х с'ездть эсь пуромксост.

Нингя сяда кальдяв кой-кона партийнай организациятне лезксть вастс арасьть голай административованиян кить лангс.

Леткань партийнай организациясь (парторгсь Орловсь) фкя пуромксса комсомолецти Дуденковти азеть строгой выговор.

„Комсомол“ совхозса партийнай организациясь (парторгсь Шалинц) апрель ковста эсь пуромксост кулхондозь комсоргть Баландинть отчетонц, коса постановлениасот таштьсть: „Комсоргть Баландинть работаста — комсоргста валхтомс, сяс мес сондеенза аф вятевти комсомолонь работась.“

А сави кизефтемс совхозонь парторгть Шалинть, кодама сон лезксмакссь комсоргти Баландинти сян ингса, штоба комсоргсь цебарьста работаль комсомолешнень мархта? Видя, што ВКП(б)-нь райкомсь полафтозе совхозонь парт организациять тя решениянц, но сембе сакя няеви, што совхозонь парторгсь лездомать васс арси голай администраторкс.

Нят парторгтненьди эряви шарькодемс, што тани комсомольской организациятнень лангса эряви аф командовандамс, аф работаста синь валхнемс и паньцемс комсомолста, а эряви эрь шинь лезкс комсомолешнень тонафнема, коммунистической духса воспитандамаса.

Сидеста нингя эрйи станя, што

парторкне йотафнихть тяфтама работа, конац видеста моли комсомолонь уставть каршес. Конопатинскый велень советонь партийнай организациясь (парторгсь Ушаковсь) партийно комсомольской пуромксса путозе кизефксть штоба комсомолецти Ивановть валхтомс комсомолста сяс, мес сонь атяц нингя пак сире пингоня (Ивановть атяц кулось 1901 кизоня) кирьдсь ялга мархта мельнеца. Сембе комсомолецне ашеть сянгса, штоба Ивановть аф эряви валхтомс комсомолста, но эста Ушаковти сась лездома райкомонь представительсь Старостинц. Старостини корхтай: мон комсомолонь райкомонь бюронь членан, сяс мон кеподьса кядезень кафта комсомолешнень ингса. И конешна Ивановсь ульсь валхтф комсомолста.

Коста лисендихть администраторской нят стрункатыне, конатчень няфнесазь кой-кона парторкне Шайговань районца? Эряви азомс, што тя бесшабашнай командованияти максси возможностть сонць ВКП(б)-нь райкомсь. Мекпьялдень ниле кофнень пингста Шайговань ВКП(б)-нь райкомсь вестеньге изь кулхонца бюронь заседания фкявок парт-орг комсомолть лангса руководствать колга. Тянь сюнеда лама парторг кода теенза вздумается и станя ювадькшни комсомолешнень лангс.

НКВД-нь партийнай организациясь (парторгсь Лукин) и „Клад“ поселкань партийнай организациясь (парторгсь Трофимовсь) кеместа шарькодезь комсомолонь Х-це с'ездса ВКП(б) нь ЦК-нь секретарьть Андреев ялгать реченц. Синь сидеста партийнай пуромксса путнихть кизефкст комсомольской организациять работанц колга. Синь эсь ширьдест макссихть эрь шинь практической лезкс комсомолешнень работаса.

Тяни ВКП(б)-нь райкомсь комсомолонь организациять работанц и сонь лангсонза руководствать колга кизефксть путозе районнай партийнай пуромксса. Минь надьятама, што тя пуромксонь решениятне эрь шинь путыхть ушедкс партийнай организациятнень ширьде.

ЛУВОМС ВАСЕНЫЦЕ СМЕНАНЬ АФСАТЫКСНЕНЬ

(Эсь нор, веспондентоньень эзда)

Ковылкина. Июльть 10 це шистонза пионеронь лагерста нолдаф васеньце сменась. Тя сменаса ульсь 100 пионер.

Кда корхтамс лагерста воспитательнай работать колга, то сави шнамс физкультурнай работась. Шинь режимть коряс Лебелев Викторсь, физкультурнай инструкторсь, идь нень мархта цебярьста занимандакшнесь арь шиня физкультура. Идтьне тиендсть физкульт. упражнения (зарядкат), эше ляхкшность Мокшеса, прьмосесть шинь ваннат, налкксекшность волейболса, ласконьдсть, комотность и ст. тов. Идтьнень способностнон няфтезень июль ковть 9 шистонза йотафтф физкультурнай соревнованьясь, коса примасть участия 18 пионерхт. Васеньце вастть сатозь: Трякин—60 метрать ласькоза 8 секундась, Бородулина—10 секундась. Комотемань соревнованьясь васеньце вастть сатозь: Дриясов—комотсь 4,3 м, Ухоботина—3,40 м.

Пионерхне тонадозь винтовкаты, противогазть. Июльть 9 шистонза Никитин ялгась РайОСО-ть председателец, йотафць стрелковой соревнованья. Васеньце вастть сатозь Дриясов коса пиксь 26 очкат 30 возможнайста, Арыченков 25 очкат 30 возможнайста. Ся шиня жа 12 пионерхт макссть ласемаса нормат ЮВС-нь знэчкити. Оцю лезкс макссь пионерхненьди хоровой кружоксь. Синь тонадсть лама од морхт. Эсь талантсон идтьне няфтезь струнной и шумовой оркесторхнень эсонга. Синь тонадсть коллективной танц: „Полечкаты“, „Цыганкаты и ст. тов.

Июль ковть 5 шистонза йотафтф костер. Тьса пионерхнень мархта корхнесь Васильев орденоносецсь птице-фабрикань директорсь. Сон азондсь мезенкса сонь казезь орденца. Сяда меле ульсь луафт стикт, йотафтф физ. выступления морот, танц и ст. тсв.

Аф ваномок сембе ня сатфкснень лангс эряви азомс, што воспита-

тельной работась идтьнень йоткса ульсь аф сатомшка. Шуроста идтьнень кядьс повондоль „Будь готов“ газетась, а мокшень газета и журнал фкявок ашель. Пионер работникне синьцке ашесть лувонда газетат.

Тяда башка лагерста ашельхть кодамовок играт;

— Сембе цебярь,—корхтай Лебелевсь,—аньцек аф ламода скучна ульсь. Аф сави шнамс помещениаське, коса идтьне йотафнесь нюрхкяня кизонь веть. Стенанза сонь наряджафт беднайста: повфтафт фкякафта военной нагляднай пособия — плакатт и фкя лозунг: „Жить стало лучше, жить стало веселее“, Сталин), а мокшень лозунг фкявок аш. Киякснень ланга фкя-фкянь вакса марафт шуфтонь койкат, конат кальдявста уряджафт; фкя комнатань вальмя лангса ульсь путф: зубной порошок, сапонь и рудаду шюкат. конат корхтайхть лагерста эчка санитаркаты работанц колга. 100 пионерхнень эзда ульсь аньцек 19 мокшень идь, конатнень эзда 5 стирьнат.


— Мес кржа мокшеда? Вдь рай ИСПОЛКОМ-ть путфксонц коряс лагерста улемаль 40 проц мокшень идть,—кизефтиня ВЛКСМ-нь рай КОМ-онь пионерработницаты Антонова ялгаты.

— А сяс,—корхтай Антоновась,—што мокшень колхозонь председателхне ашесть нолда продуктат эсь пионерсонды.

Мокшетне хуть и илядфт нингеруснень эзда фталу, но кда Антоновась молель колхозу соньц и корхталь председателхть мархта, то наверна, мокшень идьняда лагерста ульсь аф 19, а 40. А Антоновась пионерхнень терьнезень каготка вельде, кабинетсонза озада ашекшнесь.

Июльть 15 шистонза пуроптови омбоце сменась. Азфафсатыкснень эрвиыхть лувомс и машфтомс.

А. Чекашкин.



Культурань и отдыхонь Саранскаень паркса оборудовандаф тенниснай корт.

Снимкаса: 12-це школань отличницась Бударная Валясь макссь мячть.

Фотось П. Ивановт.

102 сьормас аф содай ломань

Слобода. Мокша Мазканя велеса сембец лувондовихть сьсрмас аф содайда 102 коматть, а сьормас кржа содайда 57 ломань.

Кода няеви цифратне аф йолмат, но вельсоветонь председателсь сьормас тонафнемать пуроптоманц инкса аф пьк заботендай. Видя, што тьлонда тонафнемась ульсь ладяф аф кальдявста. Но цебярьста тонафнесь снярс, мзярс работась Ивашкин Данильс и Феоктистовсь.

Аф ваномок нят сатфкснень лангс, кизонь пингити нят результатне юмасть.

Тяни Ивашкинсь и Феоктистовсь тусть Саранскай тонафнема и илядень тонафнемасть страдсь каладсь.

Эряви азомс, што Мокшень Мазканя велеса ули комсомольскай организация и комсомольскай организация эстеенза аф лувонцы эрвиксоньди пуроптомс оцюфнень йоткса сьормас тонафнема тевть.

М. Ерман.

„Аш мзярда“

Рузаевка. Палаевкань начальнай комсомольскай школаса лувондовихть 3 комсомолецт и 4 аф союзнай од ломатть. Руководительксы школати райкомсь кемокснесь Фирстовть, конац 1936 кизоня йотафць фкя занятия. Фирстовсь ты положениать азонкшнесь сянь мархта што теенза „аш мзярда“. И видеке теенза аш мзярда йотафнемс политтонафнемат, сяс мес винада симомс эряви врема, прянь пчкафтомс тожа, а сяда меле тага симомс и таки тяфтак. Фирстовсь соньцке ни аф оцю эсь лангсонза, а сонь лангсонза оцюсь винась.

Эриволь Фирстовти шарьхкодемс, што комсомолсь эсь рядонзон эса тяфтафт аф кырны.

Н. Алемаев

ФИЗКУЛЬТУРАНЬ КУЛЯТ

1. Июльть 15 це шистонза Саранскаень стадионца ульсь ялгань футбольнай встреча: котониннай фабрикань и консервной комбинатонь командатнень йоткса. Налхкомась йотась пьк активнайста. Налхкомась аделавсь 6:2 консервной комбинатть пользас. Матчса ульсь 300 шка ломатть рабочайхть и служащайхть кафьке производстватнень эзда.

2. Июльть 15 це шистонза Саранскаень Инсарка льяса йотасть ошень инь цебярь уихнень последнай испытаньясна. Тя испытаньять целецоль—окончательна кочкамс инь цебярь уихнень уемань колга республиканскай соревнованьять-неньди, конат панчсевичхть Зубуса июльть 19-це шистонза тядень кизоть.

Инсаркаты берякс пуромкшнесь ошень 200 шка трудящай ломатть, конат няфнесь оцю восхищения башка дистанциянь эрь финишть йотамок.

Отборочнай соревнованьятьнень эса занязь васеньце вастнень и кучсевичхть Зубува. Орлова ялгась (проектнай конторахта), Будаева ялгась (11-це № школаста), Ортман (парк культуры и отдыха), Жалнин ялгась (Мокшэрьянь педтехникумста), Филатов ялгась (птицекомбинатста).

Командась тусь Зубува июльть 18-це шистонза.

Июльть 13-це шистонза ульсь футбольнай и волейбольнай встреча Починкань (Горьковскай край) и Ромодановань командатнень йоткса. Налхкомать результатонза футболса 0:0; волейболса 2:0; Ромодановать пользас.

С. Купер.

МЕЗЕ АЗОНДЫХТЬ ГЕРОИХНЕ

II. Противникть пулянзон ала

(Г. М. Васильевть расказац)

—Мзярда Одинцов ялгаты ренендазь, минь улемь аф ламода сонь-дедонза инголе. Мон ласькснь мекки, пачкодень теенза, йорань лездомс. Ванан—Одинцовть перьфкя пулятнень эзда шары ловонь пуль. Ну, арьсян, кда сон ламос кярмай шаштома, наверхьяка сонь шавсазь. Фатайна сонь, ускина сонь шири.

— Аф эряви,—корхтай сон,—моньцка шашт ван. Архт мингетненьди!..

Мезе тят, кадыйня Одинцов ялгаты, ласьконь инголи. Обидна ульсь, конечно: Одинцовсь—монь отделениязень командироц, васень ушedomста кигя марса, сонь мархтонза мон молень сопкаты лангс. Но бойсь тердсь инголи.

Ласькомя минь тага сядошка метра и мадомя афоцю бугорня лангс. Японейне вишкста ляцендсть пулеметста и ружьяста. Минь эздонок ульсь 8 ломатть. Ашетяма мадозь, ляцендтяма японейнень лангс, а патрондонок илядсь кржа, и минь омбоце пулеметоньке эщи ширеса, 60 шка метрань вельф.

— Васильев, пулеметть инкса!—максь приказ заставань начальниксь.

Мон максыне эсь винтовказень, гранатанень и иляды патроннень заставань начальники и тунь ласькозь приказаньять пашкодема.

Японейне приметамазь монь и сяда метрань расстоянияста кармасть монь лангзон пулеметста и винтовкаста лещендема. Пачкодемок азф вастти, мон прань и няфтийня прязень шавфокс. Японейне ляцендема лоткасть. Саворня кядезень мархта сьвинь мон пулеметть и патрон мархта кафта дискт, стян и тунь ласькозь эсь ялганеньди. Японейне тага кармасть монь лангзон ляцендема. Пулятне кафта вастова пьлезь монь шинелезень, йотасть кямозень и шлемозень пачк. Не сколько пуля повсть пулеметти и апалязь сонь. Пачкодемок минценетненьди, варчсеса эсь прязень—целян. Кандф патротгнень максыне начальники.

Ушедсь шоподома. Вдруг японейне пешкодсть „банзай“. Минь арьсемя, што синь ушедкшнихть отака, и анокламя пря налетчикнень каршес. Но, кода няевсь, „банзай“ пешкодомать мархта японейне кармасть тушендома эсь территориязост, сьвондемок мархтошавфнень и ранендафнень. Границеть тона бокса кулевсь саф машинатнень моторсон шумсна, ранендафнень куфцемасна и сяда меле сембе сатьмось.

Минь лисемя сопкаты лангс. Тьса ульсь японскай военной снаряжениянь лама предмет и японскай

боевой припаст. Сембень тянь минь тщательнайста переписали. Сембе снаряженияда башка минь мумя сопкаты лангса 27 заряджаф гранатат, 85 боевой патротт, 1600 лещендф гильзат, 34С японскай обоймат патрононьди, фкя палатка, голубеграмманди колма сумкат, фкя японскай военной каска, фкя веры офицерскай вазь, фкя алкуминивай депешник, донесениянь копия мархта журнал и японскай военной снаряжениянь лия предметт. Тяда меле заставань начальниксь мярьгсь кадомда сопкаты лангс сторожевой дозор и мон 5 частт шовдавти улень охраненияса.

Монць мон, кода и Одинцов ялгась, сибирякан. Шачень 1913-це кизоня Западной Сибирень Каменскай районь Масляха велеса Тяряня аляня—сьора видихть. Якстерь армияв савомда инголе работань десятниккокс Ордынскай леспромхозса. 1932 це кизоня сувань комсомолу.

Армияв монь сьвوماзь 1935 це кизоня. Подготовкаты йотайне учебнай пунктса, ловонь заставань и питай сияк жа савсь примамс участия минь граничаньконь вооруженнай нарушителензон каршес тюремаса.

Отв. редакторсь С. С. ЛАРИОНОВ

Уполномоченный главлито № Д—796 Заказ № 2412. Тираж 2125.

Саранск типография „Красный Октябрь“ Моргмаз